

THE FIRST GENERAL EPISTLE OF JOHN

¹ Dantsé godeyaadá' nlíni, án daadesiits'aaníí, nohwináá bee daahiit'iiníí, daahihiiltsaaníí, nohwigan bee nabik'ídaadenlníihíí, án Yati' be'ihí'náhi, Christ nlijj; ² (Ihi'naahíí ch'í'nah alzaa, án daahihiiltsaa, baa nadaagohiilni', ihi'naa doo ngonel'aa dahíí, nohwiTaa yił nlíni, nohwich'í' ch'í'nah alzaahíí nohwił baa nadaagohiilni'); ³ Daahihiiltsaaníí ła'íí daadesiits'aaníí nohwił baa nadaagohiilni', nohwíí aldo' nohwił lił daanjoo doleelhií bigha: nohwiTaa ła'íí biYe', Jesus Christ, bił da'anii lił daandlijj. ⁴ Dázhó nohwił daagozhóq doleelhií bigha díí nohwich'í' baa k'eda'ilchii. ⁵ Díínko Christ bits'á'dí' daadesiits'aa, áík'ehgo nohwił nadaagohiilni', gádaanohwiłni'niigo, Bik'ehgo'ihí'nań idindláádíí nlijj, godiłhikíí dázhó doo ła' biyi' goljí da. ⁶ Godiłhikíí biyi' nahiikaidá', bił lił daandlijj daan'niiyúgo léda'ilchoo, da'anii ágot'eehíí doo bikísk'eh ádaant'ee da: ⁷ Áída' Bik'ehgo'ihí'nań idindláádíí yi'ni' nlijjhií k'ehgo néé aldo' idindláádíí biyi' nahiikaiyúgo, lił daanjoo, áík'ehgo biYe' Jesus Christ bidikíí nohwinchó'íí dawa nohwá yidilkqoh. ⁸ Nohwinchó'íí da'ádih daan'niiyúgo, ích'í' nadaahiich'aa, áík'ehgo da'anii ágot'eehíí nohwiyi' da'ádih. ⁹ Nohwinchó'íí baa nanádaagohiilni'yúgo, Bik'ehgo'ihí'nań nohwinchó'híí bigha nohwaa nágode'aah, án da'ánííyú át'éeé, dávik'ehyú át'éeé, áík'ehgo doo bik'ehyú ádaasiidzaa dahíí dawa nohwá nail'eeł.

¹⁰ Doo hak'i nchọ'go ádaahiidzaa da daan'niiyúgo, Bik'ehgo'ihinań lé'ikchóhi nliigo ádaahidle', áik'ehgo biyati'íi doo nohwiyi' golíi da.

2

¹ Shichagháshé, díi nohwich'í' k'e'eshchii, doo hak'i nchọ'go ádaaht'íi da doleehíi bigha. Ndi dahadín nchọ'go adzaayúgo, nohwiTaa yich'í' nohwá yałti'íi gólíi, Jesus Christ, dávik'ehyú át'éhi:

² Áń nohwinchọ'híi bigha bidil idezjoolíi yee na'aznilhi nlii: doo danéé zhá da, ni'godzán dágóz'aą nt'éégo biká' nnee binchọ'íi áldó' bá.

³ Christ yengon'áání bikísk'eh ádaant'eeyúgo zhá án bídaagonlzihií bee nohwił ídaagozi. ⁴ Dahadín, Shíi án bigonsi, niidá' án yengon'áání doo bikísk'eh at'éé dahíi, lé'ikchóhi nlii, da'anii ágot'eehíi doo biyi' golíi da. ⁵ Áidá' dahadín Bik'ehgo'ihinań biyati' yikísk'eh at'éehíi bil nzhoníi dayúweh nłdzil hileehíi bigha łalzaa: díi bee da'anii biyi' daandliigo nohwił ídaagozi.

⁶ Dahadín, Christ biyi' nshlii, niihíi, higaal n'íi k'ehgo higaalgo dávik'eh. ⁷ Shik'íiyú, begoz'aaníi doo ánídéhi bee nohwich'í' k'e'eshchii da, áidá' begoz'aaníi doo ánídá'hi, doo ánídá' bídaagonłsini. Doo ánídá'hi begoz'aaníi, yati' baa gozhóni dantsé daadesots'aadı' godezt'igo daadohts'agi at'éé.

⁸ Áidá' godilhiíi bech'igonyáádá' da'anii idindláadíi k'adíi be'idindláádhií bigha begoz'aaníi ánídéhi at'éé, Christ biláhyú da'anii, nohwíi áldó' nohwich'í' da'anii: ái begoz'aaníi bee nohwich'í' k'ená'ishchii. ⁹ Dahadín, Idindláadíi biyi' nashaa, niidá' bik'isn yik'enniihyúgo, án t'ah godilhiíi

yiyi' nagháhi at'éé. ¹⁰ Dahadín bik'isn bił nzhooní, idindláadí yiyi' golíí, áík'ehgo bigħa nach'igeehí da'ádih. ¹¹ Áídá' bik'isn yik'ennihí godilhií yiyi' golíí, godilhií yiyi' nagháhi at'éé, hayú deyaa shíhí doo yígólsi da, godilhií bináá áyisdídhí bigħa. ¹² Shichagháshé, Christ bizhi'í biláhyú nohwinchó'hí bigħa nohwaa nádaagost'ághí bigħa nohwich'í' k'e'eshchii. ¹³ Nnee báyán daanołhíni, Bik'ehgo'ihí'nań, dantsé godezt'i'go golííní, bídaagonołshí bigħa nohwich'í' k'e'eshchii. Nnee ání nahkaihí, nchó'i nliłhń bitis daasolijihí bigħa nohwich'í' k'e'eshchii. Chagháshé daanołhíni, nohwiTaa bídaagonołshí bigħa nohwich'í' k'e'eshchii. ¹⁴ Nnee báyán daanołhíni, dantsé godeyaadí godezt'i'go golííní bídaagonołshí bigħa nohwich'í' k'eshiłchíí ni'. Nnee ání nahkaihí, nadaanołwodí, Bik'ehgo'ihí'nań biyati' nohwiyi' golíihí, ła'í nchó'i nliłhń bitis daasolijihí bigħa nohwich'í' k'eshiłchíí ni'. ¹⁵ Ni'godzán biká' ágot'eehí, dagohí ni'godzán biká' nandeehí doo nohwił daanzhóq da le'. Dahadín ni'godzán biká' ágot'eehí bił nzhóyúgo, nohwiTaa bił'ijóóní doo biyi' golíí da. ¹⁶ Ni'godzán biká' be'ágot'eehí dawa, kots'í nchó'i hat'ííní, końáá bee nts'i'iksiihí, kohi'na' be'ída'ch'odlíhí, díi dawa doo nohwiTaa bits'á'dí' da, ni'godzán bits'á'dí'hi ádaat'ee. ¹⁷ Ni'godzán ła'í nchó'go hách'it'iíní bech'ígowáh: áídá' hadín Bik'ehgo'ihí'nań dahát'íyú ánát'ijihí dahazhí' golíí. ¹⁸ Shichagháshé, nnágodzaahí biká' ngonyáá: Christ yich'í' nagonłkaadí hińáh doleełí ba'ikodaanołs; iłk'idá' Christ

yich'i' nadaagonlkaadí ląágo neheskai; áí bee nnágodzaahíí biká' ngonyáá bídaagonlzi. ¹⁹ Áí nohwits'á' dahiskai ni', áí doo bíl daandlji dahíí bighą nohwits'á' dahiskai; bíl daandlji lẹk'eyúgo, t'ah bíl nahiikai doo ni': áídá' nohwits'á' oheskai, áí bee bígózi, doo bíl daandlji dago. ²⁰ Áídá' nohwíí Holy Spirit nohwiyi' goljí, áík'ehgo dawa nohwíl ídaagozi. ²¹ Da'anii ágot'eehíí doo bídaagonlzi dahíí bighą nohwich'i' k'eshchíí da, áídá' bídaagonlshíí bighą, ła'íí lé'ichoohíí doo ła' da'anii ágot'eehíí bits'á'dí dago bídaagonlzi. ²² Hadín lé'ılchóhi nlii? Jesus doo Christ nlii da, niihíí, án lé'ılchóhi nlii. Bik'ehgo'ihí'nań doo nohwiTaa at'éé da, niihíí ła'íí, Christ doo Bik'ehgo'ihí'nań biYe' at'éé da, niihíí Christ bich'i' nagonlkaadí nłini at'éé. ²³ Hadín, Christ doo Bik'ehgo'ihí'nań biYe' at'éé da, niihíí Bik'ehgo'ihí'nań nohwiTaa doo yígółsi da: áídá' hadín, Christ Bik'ehgo'ihí'nań biYe' at'éé, niihíí Bik'ehgo'ihí'nań nohwiTaa aldo' yígółsi. ²⁴ Yati' baa gozhóni dantsé daadesots'aadı' godezt'i'go daadesots'aaníí dayúweh nohwiyi' goljí le'. Ágádaht'íiyúgo Bik'ehgo'ihí'nań nohwiTaa ła'íí biYe' dała' bíl daanołłi doleeł. ²⁵ Ihi'naa doo ngonel'aą dahíí yaaká'yú bee daahinołnaa doleeł, nohwilniiidgo nohwá ngon'aą. ²⁶ Dahadín k'izénohwiditeeh hádaat'iinií díí baa nohwich'i' k'eshikchíí ni'. ²⁷ Bik'ehgo'ihí'nań Holy Spirit nohwiká'zhi' áyíílaa, t'ah nohwiyi' goljí, doo hadín nohwíl ch'ídaago'aah da ndi nzhọq: da'án dawa nohwíl ch'ígó'aah, án da'anii, doo lé'gochoo da, dánohwíl ch'ígon'ááhíí k'ehgo Christ biyi' daanołłi le'. ²⁸ Shichągháshé,

án biyi' daanohłij; áík'ehgo án hiltsehíí bijjii doo bédaahiildzid dago nasiidzi doleel, nyáágee doo bináál ídaa yádaandzi dago. ²⁹ Bik'ehgo'ihinań dábik'ehyú át'éégo bídaagonołsiyúgo, nnee daantjige da'áígee ánadaat'ijjii Bik'ehgo'ihinań bichagháshé adaat'eego bídaagonołsi.

3

¹ Bik'ehgo'ihinań nohwiTaa ntsolaą bił daanjoq, bichagháshé daanohwiłdi'niigo: ni'godzán biká' nnee doo bídaagołsi dahii bigha nee ałdó' doo nohwídaagołsi da. ² Shił daanohshóni, k'adii Bik'ehgo'ihinań bichagháshé daandlij, hago adaant'ee doleehii doo hwahá bígoziłh da: ndi dii bídaagonłzi, án hiltsehíí bijjii án ga'adaant'ee doleel; da'át'éehii k'ehgo daadidiiltséh doleehii bigha. ³ Nnee daantjige áík'ehgo Jesus yich'i' biini' tédaat'iyyúgo, Jesus dážhó nzhqohii k'ehgo nzhqogo adilzi. ⁴ Dahadín doo bik'ehyú át'éé dahii, Bik'ehgo'ihinań yegos'aanii ałdó' doo yee iłsi da: doo bik'ehyú ágot'ee dahii Bik'ehgo'ihinań yegos'aanii doo be'ch'ılsı dahii át'éé. ⁵ Diínko bídaagonołsi, Jesus nohwinchq'ii yó'oyidi'aahgo nyáá; ła'ii nchq'ii doo ła' ye'at'éé da. ⁶ Dahadín án biyi' nliinii doo nchq'go at'ijjii da: ła'ii dahadín nchq'go at'íinii doo hak'i biltsaa da, doo bígołsi da. ⁷ Shichagháshé, hadín nohwich'i' naoch'aa hela': dahadín da'áígee ánát'ijjii dábik'ehyú át'éé, Bik'ehgo'ihinań dábik'ehyú át'éehii k'ehgo. ⁸ Dahadín nchq'go ánát'ijjii ch'iidn nant'an bits'á'dí'hi at'éé; ch'iidn nant'an godeyaadi' godezt'i'go nchq'go at'ijjii. Ch'iidn nant'an ánát'ijjii iidoldijjii bigha Bik'ehgo'ihinań biYe' nyáá.

9 Dahadín Bik'ehgo'ihinañ bizhaazhé nliiníí doo nchò'go at'íí da; Bik'ehgo'ihinañ ye'at'éhi biyi' nliihíí bigha: doo hago'at'éégo nchò'go at'íí da, Bik'ehgo'ihinañ bizhaazhé nliihíí bigha. 10 Díí Bik'ehgo'ihinañ bichagháshé dagohíí ch'iidn nant'án bichagháshé bee bigózi doleek: dahadín doo dávik'ehyú át'éé dahíí, la'íí doo bik'isn bíł nzhòq dahíí doo Bik'ehgo'ihinañ bits'á'dí'hi at'éé da. 11 Díí na'goni'íí yati' baa gozhóni dantsé daadesots'aqadí' godezt'i'go daadesots'aqahíí át'éé, daanohwigha líł daanjòqgo dávik'eh. 12 Doo Cain k'ehgo ádaant'ee da, nchò'i nliihín yits'á'dí' nliigo bik'isn náizesdji. Nt'é bigha yizes-híí? Dabíí bí'at'e' nchò'dá' bik'isn dávik'ehyú át'ééhíí bigha. 13 Shik'íiyú, ni'godzán biká' nnee nohwik'edaanniihyúgo, doo nohwil díyadaagot'ee da le'. 14 Nohwik'isyú nohwil daanzhòqohíí bigha da'itsaah bits'á'dí' ihinaazhí' daasiikaihíí bídaagonlzi. Dahadín doo bik'isn bíł nzhòq dahíí, da'itsaahíí yi'golíí. 15 Dahadín bik'isn yik'enniihn ílk'idá' nnee yizes-híihíí k'ehgo at'éhi at'éé: dahadín nnee yizes-híihíí 'ihinaa doo ngonel'aq dahíí doo yee hinaa dago bídaagonolsi. 16 Jesus bí'ihina' nohwá nyinné'íí bee Bik'ehgo'ihinañ bí'ijóóníí bídaagonlzi: áik'ehgo néé aldó' nohwi'ihina' nohwik'isyú bá ndaan'né' dávik'eh. 17 Dahadín ni'godzán biká' be'ihinaahíí dawa yígoyííídá', bik'isn tét'iyéégo yígólsi ndi doo yaa ch'oba' dayúgo, hagog'éégo Bik'ehgo'ihinañ bí'ijóóníí bijíí biyi' golíí? 18 Áidá' shichagháshé, da'aniigo líł daanjòqgo ílch'odaahi'nii le', doo daazhògo ádaan'niigo da,

doo daazhógo baa nadaagohiilni' da. ¹⁹ Díí bee da'anii ágot'eehíí bits'á'dí' daandlijgo bídaagonlzi doleeł, ła'íí Bik'ehgo'ihí'nań binadzahgee nohwijíí biyi' nkegohen'áání begoz'aą doleeł. ²⁰ Nohwijíí yune' doo bik'ehyú ádaant'ee da daandziyúgo, Bik'ehgo'ihí'nań nohwijíí bitisgo at'éehíí dawa yígółsi. ²¹ Shił daanohshóni, nohwijíí yune' dá bik'ehyú ádaant'eehíí bídaagonlziyúgo, Bik'ehgo'ihí'nań binadzahgee doo ndaahiildzid da. ²² Áik'ehgo nt'éhéta bídaahónkeedíí nohwaa yiné', ngon'áání bikísk'eh ádaant'ee, ła'íí dá bik'ehyú ádaant'eehíí bighą. ²³ Díínko ngon'áni at'éé, BiYe', Jesus Christ, daahohdlaą le', ła'íí hił daanohjoo le', Bik'ehgo'ihí'nań nohwá ngon'ááhíí k'ehgo. ²⁴ Hadín Bik'ehgo'ihí'nań ngon'áni yikísk'eh at'éehń, Bik'ehgo'ihí'nań biyi' goljí, ła'íí Bik'ehgo'ihí'nań yi yi' goljí. Holy Spirit nohwaa daizné'íí bee Bik'ehgo'ihí'nań nohwi yi' goljígo bídaagonlzi.

4

¹ Shił daanohshóni, spirits doo dawa daahohdlaą da, áidá' spirits bídaanohtahgo bídaagonłsih, Bik'ehgo'ihí'nań bits'á'dí' daanlij shíhíí, dagohíí doo bits'á'dí' daanlij da shíhíí: Bik'ehgo'ihí'nań binkááyú na'iziidi ádaadil'ini łaągo ni'godzán biká' niheskaihií bighą. ² Díí bee Bik'ehgo'ihí'nań biSpirit bídaagonłsi: Spirit daantúígee, Jesus Christ nnee k'ehgo nyáá, nihií Bik'ehgo'ihí'nań bits'á'dí' nlíni at'éé: ³ Áidá' spirit daantúígee, Jesus nnee k'ehgo nyáá, doo nii dahíí doo Bik'ehgo'ihí'nań bits'á'dí' nlíni at'éé da: díí

Christ bich'ì' nagonlkaadíi bispírit at'éé, hígháhgo ba'íkodaanoḥsì n'íi; da'ái ilk'idá' ni'gospdzán yiká' nlii. ⁴ Shichagháshé, Bik'ehgo'ihí'nań bits'á'dí'hi daanoḥlji, áik'ehgo Bik'ehgo'ihí'nań binkááyú na'iziidi ádaadil'ini bitis daasolji: nohwiyi' goljín n'igospdzán biyi' goljín bitisgo at'éehíi bigha. ⁵ Ni'gospdzán bits'á'dí' daanlii: ái bigha ni'gospdzán biká' ágot'eehíi yaa yádaakti', áik'ehgo ni'gospdzán biká' nnee daabidits'ag. ⁶ Néé Bik'ehgo'ihí'nań bits'á'dí'hi daandlii: dahadín Bik'ehgo'ihí'nań yígótsiníi nohwidits'ag; áidá' dahadín doo Bik'ehgo'ihí'nań yits'á'dí'hi nlii dahíi doo nohwidits'ag da. Díi bee spírit da'aníihíi nlii shíhíi, dagohíi spírit lé'íkchoohíi nlii shíhíi bídaagonlzi. ⁷ Shił daanoḥshóni, kł daanjoo le': il'ijóóníi Bik'ehgo'ihí'nań bits'á'dí'hi at'éé; dahadín bil'ijóóníi Bik'ehgo'ihí'nań bizhaazhé nłini at'éé, la'íi Bik'ehgo'ihí'nań yígótsi. ⁸ Dahadín doo bil'ijoo dahíi, doo Bik'ehgo'ihí'nań yígótsi da; Bik'ehgo'ihí'nań il'ijóni nliihíi bigha. ⁹ Díi k'ehgo Bik'ehgo'ihí'nań bil'ijóóníi nohwil ch'í'nah alzaa, Bik'ehgo'ihí'nań biYe' dała'áhi ni'gospdzán biká'zhí' nkeyinla', án bee daahin'naa doleełgo. ¹⁰ Díinko il'ijóóníi át'éé, doo néé Bik'ehgo'ihí'nań nohwil daanzhoqohíi bigha da, ndi bíi bil daanjooqohíi bigha biYe' nohwá yínla', bidikíi bee nohwincho'híi bigha nohwá nahinił doleełgo. ¹¹ Shił daanoḥshóni, Bik'ehgo'ihí'nań dážho bil daanjooqohíi bigha, néé aldo' kł daanjoo le'. ¹² Doo hak'i hadín Bik'ehgo'ihí'nań yo'ji da. Néé kł daanjooqoyúgo Bik'ehgo'ihí'nań nohwiyi' golji, nohwil nzhooníi dayúweh nłdzil hileehíi

bigha ɭalzaa. ¹³ Díí bee Bik'ehgo'ihinañ biyi' daagondliigo, ɭa'í bii nohwii' goliigo bídaagonlzi, dabii biSpirit nohwaa yiné'híi bigha. ¹⁴ NohwiTaa biYe' ni'godzán biká' nnee hasdayiniilgo yin'a'íi daahihiltsaago baa daagohiilni'. ¹⁵ Dahadín, Jesus Bik'ehgo'ihinañ biYe' at'éé, nihií Bik'ehgo'ihinañ biyi' golií, bii ałdó' yiyi' golií. ¹⁶ Bik'ehgo'ihinañ bił daanjoonii bídaagonlzi ɭa'í daahohiidlaa. Bik'ehgo'ihinañ i'ijóni nlii; áik'ehgo hadín i'ijóni yiyi' goliíni, Bik'ehgo'ihinañ yiyi' golií, ɭa'í bii ałdó' Bik'ehgo'ihinañ biyi' golií. ¹⁷ Ái bigha nohwii'ijóónii nłdzilgo nohwá ɭalzaa, Bik'ehgo'ihinañ nnee yándaago'aahii bijii doo daasiite' dago nasiidzii doleełgo ni'godzán biká' daagondlii ndi án ye'at'éehii néé ałdó' be'ádaant'eehii bigha. ¹⁸ Hadín bi'ijóónii doo neildzid da; i'ijóónii ɭalzaahii bee négodzidii nain'i: hadín neildzidii biniigodilne'. Hadín neildzidii bi'ijóónii doo ɭalzaa da. ¹⁹ Bik'ehgo'ihinañ dantsé bił daanjoqhií bigha nohwii daanzhoq. ²⁰ Dahadín, Bik'ehgo'ihinañ shił nzhooq, niidá' bik'isn yik'ennihiyúgo, ái lé'ikchóhi nlii: dahadín bik'isn yo'ini ndi doo bił nzhooq dadá', hagot'éégo Bik'ehgo'ihinañ, doo yo'ii dahii, bił nzhooq doleeł? ²¹ Díí Bik'ehgo'ihinañ nohwá ngon'ani at'éé, Dahadín Bik'ehgo'ihinañ bił nzhoonii bik'isn ałdó' bił nzhooq le'.

5

¹ Nnee daantiiígee Jesus, Christ nliigo yodlaanii, Bik'ehgo'ihinañ bizhaazhé nlii: áik'ehgo dahadín nohwiiTaa bił nzhoonii, bizhaazhé ałdó' bił nzhooq. ² Bik'ehgo'ihinañ nohwii daanzhoqogo,

ngon'ááníí bikísk'eh ádaant'eeyúgo, áí bee Bik'ehgo'ihí'nań bichagháshé nohwíł daanzhøgo bídaagonłzj. ³ Bik'ehgo'ihí'nań ngon'ááníí bikísk'eh ách'ít'ééhíí, áń koł nzhóni at'éé: áń ngon'ááníí bikísk'eh ách'ít'ééhíí doo nyee da. ⁴ Dahadín Bik'ehgo'ihí'nań bizhaazhé nliiníí ni'gosdzán biká' ágot'eehíí yitis nlii: nohwi'odłq'íí bee ni'gosdzán biká' ágot'eehíí bitis daandlii. ⁵ Hadín ni'gosdzán biká' ágot'eehíí yitis nlii? Dahadín Jesus Bik'ehgo'ihí'nań biYe' nliigo yodlaaníí zhá. ⁶ Jesus Christ tú hik'e dił biłgo bee nyáá, doo dá tú zhá bee da; tú hik'e dił biłgo bee nyáá. Holy Spirit da'anii nliihíí bighá da'aniiigo baa nagolni'. ⁷ Taagi yaaká'yú da'aniiigo baa nadaagolni', nohwiTaa, hik'e Yati' nliini, ła'íí Holy Spirit: áí taagihíí dała'áhi at'éé. ⁸ Taagi ni'gosdzán biká' da'aniiigo baa nadaagolni', Holy Spirit, hik'e tú, ła'íí dił: díí taagihíí dáłekt'eego ádaanii. ⁹ Nnee nadaagolni'íí hodaayélts'aą, áídá' Bik'ehgo'ihí'nań nagolni'íí itisgo ádaanzigo hodaayélts'aągo nkt'éé: áí nagolni'íí dabíí biYe' yaa nagolni'híí at'éé. ¹⁰ Dahadín Bik'ehgo'ihí'nań biYe' yodlaaníí, dabíí da'anii na'goni'go yígółsji: dahadín Bik'ehgo'ihí'nań doo yodłqá dahíí, lé'ikchoogo áyłłsji; biYe' yaa nagolni'íí doo yodłqá dahíí bighá. ¹¹ Díńko yaa nagolni'íí at'éé, Bik'ehgo'ihí'nań ihí'naa doo ngonel'aą dahíí nohwaa daidez'aą, díí ihí'naahíí biYe' yiyi' golji. ¹² Dahadín Bik'ehgo'ihí'nań biYe' yigoyikłhíí ihí'naa doo ngonel'aą dahíí yee hińaa; dahadín Bik'ehgo'ihí'nań biYe' doo yigoyikłi dahíí doo áik'ehgo hińaa da. ¹³ Díí k'e'eshchiníí nohwíł, Bik'ehgo'ihí'nań biYe' daahohdlaaníí nohwich'i'

k'e'eshchij; ihi'naa doo ngonel'aa dahíí bee daahinohnaa bídaagonłsi doleel'íí bigha, la'íí Bik'ehgo'ihí'nań biYe' bizhi' dayúweh daahohdlaa doleelgo. ¹⁴ Díinko bee bada'óndlii, nt'éhéta biká da'ohiikaah, bíí hát'íiníí bik'ehgoyúgo, nohwidits'ag: ¹⁵ Nt'éhéta biká da'ohiikaahgee nohwidits'ago bídaagonłziyúgo, biká da'ohiikaahíí daasiit'iidgo bídaagonłzi. ¹⁶ Dahadín bik'isn nch'ó'íí doo bigha da'itsaah dahíí ye'at'íigo yo'íiyúgo, yigha okaah le', áík'ehgo nch'ó'íí doo bigha da'itsaah dahíí ye'adaat'iiníí Bik'ehgo'ihí'nań ihi'naahíí bá baa daide'aah doleel. Nch'ó'híí bigha da'itsaahíí góljí: áí bigha hadín okaah le' doo dishnii da. ¹⁷ Doo bik'ehyú ánách'ot'íil dahíí dawa nch'ó'ihíí át'ée: áídá' nch'ó'íí doo bigha da'itsaah dahíí góljí. ¹⁸ Dahadín Bik'ehgo'ihí'nań bizhaazhé nliiníí doo nch'ó'go at'íí dago bídaagonłzi; Bik'ehgo'ihí'nań biYe' nkt'éégo bistij, áík'ehgo nch'ó'i nlijhn doo bíhi'náh dago ábítsi. ¹⁹ Bik'ehgo'ihí'nań bits'á'dí' daandlijgo bídaagonłzi, áídá' ni'gosdzán dágoz'aa nt'éégo nch'ó'i nlijhn yebik'eh. ²⁰ Bik'ehgo'ihí'nań biYe' nyaágo nohwil' ídaagozigo ádaanohwizlaahíí bídaagonłzi, Bik'ehgo'ihí'nań da'anii nłini bídaagonłzi doleelgo; dabíí da'anii nłini biyi' daagondlij, biYe', Jesus Christ biyi' daagondlij. Díí Bik'ehgo'ihí'nań da'aníhi, la'íí ihi'naa doo ngonel'aa dahíí át'ée. ²¹ Shichaahashé, nadn'ái bee daach'okaahíí bits'á'zhí' ádaanoht'ee. Doleelgo at'ée.

**The New Testament of our Lord and Saviour
Jesus Christ
New Testament in Apache, Western (US:apw:Apache,
Western)**

copyright © 2012 Wycliffe Bible Translators, Inc.

Language: Western Apache (Apache, Western)

Translation by: Wycliffe Bible Translators, Inc.

Copyright Information

© 2012, Wycliffe Bible Translators. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apache, Western

© 2012, Wycliffe Bible Translators. All rights reserved.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 21 Feb 2024 from source files
dated 31 Aug 2023

22cab38e-86e0-5c5b-8972-5c0fa467c049